

SAC A TERMINA ACTIVIDADNAN

ORANJESTAD(AAN)—Ayer durante un BBQ pa tur miembronan di SAC, colaboradornan durante temporada di carnaval y nan familia, SAC a clausura su temporada di carnaval.

Esaki a tuma lugar na SEPA Ranch for di 10 or di mainta pa seis or atardi den un masha bon ambiente, caminda cu recuerdonan di e carnaval cu ta tras di lomba a ser treci dilanti pa e diferen-

te gruponan.

DIARIO tabata presente tambe cu POPO y por a compronde cu e aña aki SAC tin intencion masha serio di traha duro ariba e carnaval venidero, y cu aparentemente lo por spera hopi cambio pa e aña venidero. Tur esaki sinembargo ta asuntunan cu lo ser discuti internamente den SAC prome cu move pa promocionnan.

Diasabra anochi na Club Caiquetio SAC a ha-

ci entrega di premio na e ganadornan di e dife-actividadnan cu SAC tabata tin e aña aki.

E entregamento di premio tabata combina cu un fiesta bailable anima pa TIME y Fernando Brothers, kendenan despues di hopi contratiempo a logra participa toh den carnaval di Aruba y e aña aki tabata un di e gruponan cu mas a ser aprecia pa publico ademas.



Sr. Ovi Croes di Esso Club aki ta ricibiendo un di e varios trofeonan cu e aña aki a bay pa Esso Club cu nan Feathers Fantasy.

Presidente di SEPA:

TRAHADORNAN DI APA NV TA INSISTI CU TIN MAL MANEHO NA APA NV

ORANJESTAD(AAN)—Segun presidente di SEPA Sr. Mario Tromp, e

E SOPPI GALIÑA SABROSO

ORANJESTAD(AAN)—Durante e gettogether familiar cu SAC a tene ayera pa su miembronan y nan familia y tur colaborador di SAC y nan familia, tabata tin un wea di soppi bon prepara.

Presidente di SAC a invita tur hende pa goza di e soppi galiña, y esaki tabata asina sabroso, cu na final ta 4 promente cu tabata tin den e soppi so a keda den wea.

Ora cu tur hende a keda cu gana di haya mas, a bin resulta cu ta soppi Juana nan a bebe, y tur esnan cu nunca kier a tende di soppi juana y esnan cu nunca a bebe soppi di juana, por a bisa solamente cu "el a baha bon.....pero, nunca mas nan ta gañami cu e soppi aki".

sindicato di empleadornan publico di Aruba, ya caba den curso di simannan atras, e sindicato a dirigi conhuntamente cu gruponan di servicio un carta na Bestuurscollege di Aruba (7 di februari 85) den cual ta ta ser menciona di e des- gusto cu ta ser crea na Haven en Loodsdienst.

Bestuurscollege y e diputado concerni a ser poni na altura cu tin un falta di respet pa e protocol cu tin; manipulacion di trahadornan di Haven en Loodsdienst; cu nan ta contra di taakomschrijving pa cu un solo persona di Haven en loods- dienst, y tambe cu cu e sindicato y grupo di servicio tabata y ta contra e maneho cu ta hiba waf den decadencia.

Tambe a ser muestra cu semper den pasado a traha cu ganashinan di suma fabuloso, por ehemplo na 1977-78 y 79.

Bestuurscollege y e diputado concerni a ser muestra cu nan tin entendi cu na maart no tin placa mas pa paga trahadornan di Haven en loods- dienst.

Tambe nan ta puntra con ta posibel cu ta huur un remolcador pa 3800 dollar pa dia y awor tin entendi cu e remolcador ta haci trabao na Colombia pa 1400 florin pa dia.

Den e carta a ser expresa e inquietud cu tin na Haven en Loodsdienst.

Segun presidente di SEPA, e trahadornan ta insisti cu tin mal maneho na APA NV.

Te ainda sinembargo no a reuni cu e sindicato ariba esaki. Un telegram a ser manda te cu e diputado ta informa via telegram den cual e diputado ta menciona cu e director interino di APA NV conhuntamente cu Havenmeester ta ser apunta pa reuni cu e sindicato. A ser menciona den e telegram cu e sindicato mester informa e punto di agenda pa asegura mihor eficiencia di e reunion.

Sr. Mario Tromp a du- na di conoce cu e ta kere cu e diputado posiblemente e diputado nobo no tana altura cu tin un cantidad di punto cu a bay padilanti y cu ainda tin puntunan cu e trahadornan kier mira claridad ariba.

El a bisa cu SEPA ta lamenta asunto di agenda pasobra te ainda SEPA su directiva no a haya reaccion encuanto fecha di e reunion y cu e trahadornan ta preocupa pa e situacion na Haven en Loodsdienst.



NO MISHI
CU E
VENENO
CU YAMA
DROGA.



Representante di Fontein Stars Steelband, aki ta ricibiendo e trofeo di steelband di aña for di man di Sr Modesto Ruiz, presidente di comision juvenil di Caranval, secretario/tesorero di SAC.



Mena Dijkhoff a ricibi trofeo di e carosa di Nos Co-secha como carosa di aña y tambe el a ricibi trofeo di "muchu mal cria". den carosa di Paraloco, y premionan di Paraloco.

CURSO DI DOLLAR TA TRECE ECONOMIA DEN PELIGRO

FRANKFORT:—E curso halto di dollar relaciona cu otro monedanan ta un amenaza serio pa economia di Merca mes, segun e ministro di finanzas di Alemania Occidental, Gerhard Stoltenberg.

Stoltenberg cu masha poco ta expresa critica a reacciona ariba expresion di presidente Reagan cu dollar no ta anota halto, pero cu ta otro monedanan ta debil pa motibo cu otro paisnan cu nan recuperacion economico

ta atraza compara cu Estados Unidos.

E ministro a hisa cu aumento di balor di dollar ta un disturbio pa balanzanan comercial y tambe pa Estados Unidos mes.

El a laga sa cu ni e economia mas fuerte di mundo no por sobrevivir sin dafio durante un periodo largo di aumentonan di deficitnan ariba balance di pago y ariba cuantanan corrientes di balance di pago.

PA ULTIMO VIDEO
FILMS
TV-VIDEO
REPAIR
PIEDRA PLAT
ENTERPRISES
Wilhelminastraat 115
Tel: 27733